



TOSHKENT DAVLAT YURIDIK UNIVERSITETI REKTORINING B U Y R U G ' I

08.05.2023

279-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksida belgilangan qoidalarini qo'pol tarzda buzish holatlari kuzatilmoqda.

Xususan, Jinoiy odil sudlov fakulteti 2-kurs talabalari Maxmado'stov Ulug'bek Jalol o'g'li va Jabbarov Firdavs Umirbek o'g'lilar o'zlarida yuksak huquqiy madaniyatni shakllantirib, namunali xulq-atvorga ega bo'lishning o'rniga telegram ilovasida bir guruh noma'lum shaxslar tomonidan universitet Xalqaro huquq va qiyosiy huquqshunoslik fakulteti 2-kurs talabasi Uktamova Shaxlo Shuxrat qizining sha'ni va qadr-qimmatini qasddan kamsitib sharmanda qilib kelayotgan "HELLO TASHKENT, SALAM TASHKENT" kanaliga 2023-yil 6-aprel kuni mazkur telegram kanalda talaba Uktamova Shaxlo Shuxrat qizining suratlari e'lon qilingan qismini universitet fonida rasmga tushirib, mazkur rasmni ushbu kanalning muhokama guruhiga tashlashgan.

Talabalar U.Maxmado'stov va F.Jabbarovlar o'zlarining yuqoridagi xatti-harakatlari bilan O'zbekiston Respublikasi "Ta'lim to'g'risida"gi Qonunining 48-moddasi birinchi qismi beshinchi xatboshisi (ta'lim-tarbiya jarayoni ishtirokchilarining sha'ni, qadr-qimmatini va ishchanlik obro'sini hurmat qilishi), Toshkent davlat yuridik universiteti Odob-axloq kodeksi 14-moddasi birinchi qismi birinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan universitet haqida yuksak ijobiy taasurot uyg'otish), birinchi qismi ikkinchi xatboshisi (universitet, uning xodimi, talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday ma'lumotlar tarqalishiga yo'l

qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik), ikkinchi qismi (xodimlar, talabalar va doktorantlar tomonidan universitetning ishchanlik obro'si, qadr-qimmati va nufuzini tushiradigan, ta'lim jarayonining ma'naviy buzilishiga olib keladigan, behayo va ishqiy sahnalarni namoyon qiladigan fotosuratlar, video va audioyozuvlardan foydalanish va ularning tarqatilishiga yo'l qo'yilmaydi) hamda 26-moddasi ikkinchi qismi birinchi xatboshisi (qonun hujjatlari va mazkur Kodeks talablariga rioya etish)da ko'rsatib o'tilgan qoidalarni buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda universitet Odob-axloq komissiyasining 2023-yil 14-apreldagi 23-son yig'ilish bayoniga muvofiq,

B U Y U R A M A N:

1. Toshkent davlat yuridik universiteti Odob-axloq komissiyasining 2023-yil 14-apreldagi 23-son yig'ilish bayoni ma'lumot va ijro uchun qabul qilinsin.

2. Universitetning Jinoiy odil sudlov fakulteti 3-kurs talabalari Maxmado'stov Ulug'bek Jalol o'g'li va Jabbarov Firdavs Umirbek o'g'lilarga hayfsan e'lon qilinsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq mazmun-mohiyatini talabalarning shaxsini siq saqlagan holda talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3. Jinoiy odil sudlov fakulteti dekani (D.Kamalova) mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

